

чий — ми шубаи оркин, нэ гэкчидемби. Туй гой-
дами пулсихэмби, покто хайс аба бичин, пакчи-
пакчи бичин. Моримби ачора, парай пэгиэлэни
акпамборива мурчихэмби. Тэй поргинду долди-
хамби — хайду-ну дидяла конгокто сиасини
бичин. Ми тэй конгокто сиасинчиани энэлухэмби.
Ичэй — илан сугдюн морин илисини, моринсал
нуктэвэчи лентасалди силиухэн бичин, конгок-
точи килтолианкини. Параду дюэр наондэан
тэсичи.

„Бачигоапу, бариана!“ — „Бачигоапу бари.“ —
„Бариана, покто хайду би?“ — „Гэ, буэ поктоду
бипу.“ Ми нёанчиачи энэхэмби, тэнг эрдэнгэ,
бичин — покто килто-килто бичини, эчиэ хумиз-
рэни. „Бумбивэ дахару“, — нёанчи минчи ункичи,
тотара моримбари пунгнэхэчи. Ми моримби
оркин бичин, тотами нёандиачи гэсэ энэми кор-
пиачини. Ми моралохамби: „Бариана, халачиосу!“
Каодярахачи, инэктэйчи. „Бунди гэсэ тэру, си
моринси гэун парава ирчидоани дяла осигоа-
ни,“ — нёанчи минчи ундичи. „Банярадямби,“ —
ми ункимби, тотара нёанчиачи охамби. Парачи
тэнг улэн бичин, ковёрди сэкчиэвухэн бичин.
Ми тэни оридиива гэсэ, нёанчи пиокиалахачи:
„Энэ-нэ хай-да!“ Сугдюн моринсал тэнг хатанди
пукчилухэчи, симата сонгтойган энэхэни. Ичэ-
диди, энэ-нэ, тэнг эрдэнгэ, нгэлэ очини, покто
эмуту дюкэ-мэт килто-килто бичини. Буэ тэнг